

煩或竟轉筋或腫或眩暈或時緩縱不隨或復百節掣
急或小腹不仁皆謂脚氣狀貌也乃至婦人產後取涼多中
此毒其熱悶掣縱驚悸心煩嘔吐氣上膈下冷痞愒二然不
快兼小便淋瀝不同生平皆是脚氣之候頑弱為緩風疼痛
為濕痺右付千金節文但備叙諸證不說陰陽經絡所受去
處亦不分風濕寒熱四氣及內藏虛實所因後季從何為治
若一向信書不若無書為愈此之謂也

脚氣脈證

脚氣證狀固多但當以脈診分其陰陽使无差互所謂脈浮
為風緊為寒緩細為濕洪數為熱見於諸陽病在外宜散
之愈沉而弦者亦為風沉而緊者為寒沉細為濕沉數為熱
見諸陰病在裏宜溫利之愈外證自汗走疰為風勝無汗疼
痛牽急為寒勝腫滿重着為濕勝煩渴熱煩為暑勝四氣兼
有但推其多者為勝治之當以諸證互辨而分表裏寒則溫
之熱則寒之在表則散在裏則下若太虛氣之間作補湯隨
病冷熱而用之不可拘不得服補藥

叙太陽經脚氣證

病者頭痛目眩項強腰脊連軀振振外出汗之後循京
骨至小指外側皆痛者乃足太陽膀胱經為風寒暑濕流注
自汗者為風勝無汗疼痛為寒勝熱煩為暑勝重着腫滿為
濕勝諸經皆當如此推凡太陽經宜隨四氣發散愈

太陽經脚氣治法

麻黃湯

治風寒暑濕流注足太陽經手足牽痺行步艱

難增寒發熱無汗惡寒或自汗惡風頭疼眩暈腰重閉翕

麻黃 去節

乾薑

細辛

白朮 剉

茯苓

防己

桂心 煨

羌活

三因極一病證方論

三



三因極一病證方論卷之三

叙痺論

夫風濕寒三氣雜至合而為痺雖曰合痺其相自殊風勝則為行痺寒勝則為痛痺濕勝則為着痺三氣襲人經絡入於筋脉皮肉肌骨久而不已則入五藏凡使人煩滿喘而吐者是痺客於肺煩心上氣噎乾恐噫噉脹滿者是痺客於心多飲數小下小腹痛如懷妊夜卧則驚者是痺客於肝善脹死以代腫者以代頭者是痺客於腎四肢解遺發咳嘔沫上為大寒者是痺客於脾又有腸痺者數飲而小便不利中氣喘急時發強壯又胞痺者小腹按之內痛若沃以湯溢於小便上為清涕又六府各有俞風寒濕中其俞而食飲噎之故循俞而入各舍其府治之隨其府俞以施針灸之法仍服逐風濕寒散等藥則病自愈大抵痺之為病寒多則痛風多則行濕多則着在骨則重而不舉在脉則血凝不流在筋則屈而不伸在肉則不仁在皮則寒逢寒則急逢熱則縱又有血痺以類相從附于此門外有支飲作痺見痰飲門

合痺治

治風濕寒痺骨節疼痛皮膚不仁肌肉重着四肢緩

附子生未 白芍藥 桂心 甘草

白茯苓 人參各二 白朮一兩

右為剉散每服四錢水三盞煎七分去滓食前服

治尊樂人骨弱肌重因疲勞汗出卧不時動搖
加以微風遂作血痺脉當陰陽俱微尺中少緊身躄如風痺狀

黃芪 芍藥 桂心各等分

右為剉散每服四錢水二盞姜五片棗三枚煎七分



去滓食前服

黃蘗湯 治風濕寒痺卒躄腫滿疼痛不仁飲食惡冷瀼瀼惡寒曾中痰滿心下塞。方見中風門

歷節論

夫歷節論疼痛不可屈伸身躄魁癩其腫如脫其痛如掣流注骨節短氣自汗頭眩温温欲吐者皆以風濕寒相搏而成其痛如掣者為寒多腫滿如脫者為濕多歷節黃汗出者為風多顧病源所載飲酒當風汗出入水遂成斯疾原其所因雖涉風濕寒又有飲酒之說自屬不內外因亦有不能飲酒而患此者要當推求所因分其先後輕重為治久而不治令人骨節蹉跌變為癩病不可不知

歷節治法

芍藥知母湯 治諸肢節疼痛身躄魁癩脚腫如脫頭眩短氣

温温欲吐

桂心

知母

防風 各四兩 芍藥

甘草 炙

麻黃 去節

附子 炮去皮臍 各三兩

右為剉散每服肆錢水壹錢半薑伍片煎柒分去滓空腹服一法有白朮川芎杏仁半夏

烏頭湯 治病歷節痛不可屈伸

烏頭 五枚剉以蜜水升煎取壹升去烏頭

甘草 炙

麻黃 去節

芍藥

黃芪 炙

右為剉散每服四錢水貳錢煎至柒分去滓投前蜜煎壹合空腹温服千金有老薑桂心大棗無黃芪麻黃治寒疝腹中絞痛賊風入腹攻五藏拘急不得轉側叫呼發作有時使入手足厥冷

附子入物湯 治風歷節四肢疼痛如槌鍛不可忍

甲

附子通人 乾姜通

芍藥

茯苓

甘草各二

杜心各三

白朮四兩

人參二兩

右為劑散每服四大錢水一盞煎七分去滓食前一方
去桂心用乾地黄二兩

獨活寄生湯 最治痿節風近人用之甚效亦治腰背痛及脚
氣流注 方見腰痛門

叙脚氣論

夫中風寒暑濕與脚氣皆漸頓淺深之不同中風寒暑濕得
之頓而淺脚氣得之漸而深以其隨藏氣虛實寒熱發動故
得氣名具如循經絡入臟腑證候虽不一然三陽多熱躁三
陰多熱煩亦可類推但脚氣不專主一氣亦不專在一經故
與中風寒暑濕為異且兼有續生諸病混雜多端未易分別
治之須尋其終絡病證所在去處然後以脉察其虛實淺深
為治假如三陽經其診多在足外踝及手背二陰經其診多
在足內踝及臂內以此粗分陰陽可知大槩矣其如風寒暑
濕性用各二不同所謂風為行寒為痛暑為頑濕為着乃不
刊之說千金方論與董氏類門類皆蹈襲舊說似難堪據唯
留心斯道者必有至當之論焉

叙千金論

千金論脚氣皆由感風毒所致多不令人即竟會因他病乃
始發動或奄然大悶經二兩日方乃竟之庸醫不識謾作餘
疾治之莫不欠整緣始竟甚微食飲嬉戲氣力如故惟卒起脚
屈弱為異耳及論風毒相貌云夫有脚未竟異而頭項臂膊
已有所苦諸處皆悉未知而心腹五內已有所因或見食嘔
吐憎聞食臭或腹痛下利或大小便秘澀或胃中衝悸不欲
見光明或精神昏憤語言錯亂或壯熱頭痛或身熱冷瘡

防風

甘草 炙分

右為麤末每服肆錢水貳盞薑參片棗壹箇煎柒分去滓空腹服自汗去麻黃加桂芍藥重者加木橘皮無汗減桂加杏仁澤瀉所加並等分

陽明經脚氣證

病者悽悽寒熱呻欠口鼻乾腹脹髀膝腫中脘肝外廉下足跗入中指內間皆痛者乃足陽明胃經為風寒暑濕流注之所為四氣偏勝並如上說治之宜隨四氣微利之

陽明經脚氣治法

大黃左經湯

治風寒暑濕流注足陽明經使腰脚痺痛行步艱難涎潮昏塞大小便秘溢腹痛嘔吐或復下利惡聞食氣喘滿有息或自汗譫妄

大黃 蒸

細辛 去苗

茯苓

防已

羌活

黃芩

前胡

枳殼 麩炒

厚朴 去皮

甘草 炙

杏仁 麩炒去皮

右剉散每服肆大錢水盞半薑參片棗壹箇煎柒分去滓空腹熱服腹痛加芍藥秘結加阿膠喘加桑白皮紫蘇小便秘加澤瀉四肢瘡痒浸淫加升麻所加並等分

荷葉葉湯

治脚脛生瘡浸淫腿膝膿汁淋漓熱痺痛痒

乾荷葉 四張

藁本 壹分

右為剉散以水貳斗煎減伍升去滓溫暖得所淋瀝仍服前大黃左經湯佳

少陽經脚氣證

病者口苦善太息脇痛面垢躄無膏澤頭領目兌皆痛缺盆并腋下馬刀腫自汗振寒發熱中脇肋髀膝外至胫絕骨外踝及諸節拍皆痛者乃足少陽膽經為風寒暑濕流注之

引本作樓振
寒煩熱惡寒
致欠口鼻乾
亦不得外廉膝

引本作樓便
亦利

本主陽下有不
交則而治
本主自先此
本主指比是方

所為四氣偏勝例如前說治之宜隨四氣和解

少陽經脚氣治法

半夏左經湯

治足少陽經為風寒暑濕流注發熱腰脇痛頭

疼眩暈嘔吐宿汁耳聾驚悸熱悶心煩氣上喘滿有息腿

痺緩縱不隨

別本之起痺頑痺

半夏

傷去滑

乾葛

細辛

白朮

茯苓

桂心 不見火

防風

乾薑炮

黃芩

小草

甘草炙

柴胡

麥門冬

去心各參分

右剉散每服肆大錢水壹觔半薑參片棗壹箇煎柒分去滓空腹服熱悶加竹瀝每服半合喘滿加杏仁桑皮

料簡三陽并合脚氣

三陽經有并有合如太陽并少陽少陽并陽明陽明并太陽

三陽合病皆於經絡中推致其診隨證治之所謂并者二經相并合者三經會合以此強分使名義易曉不必論其二也

三陽并合脚氣證治

病者憎寒壯熱自汗惡風或無汗惡寒暈眩重着關節掣痛手足拘挛疼痛冷痺緩縱不隨心躁氣上嘔吐下利此皆三陽經中風寒暑濕其脈必浮弦緊數

天料神效左經湯

治風寒暑濕流注足三陽經手足拘挛疼

痛行步艱難憎寒發熱自汗惡風頭眩腰重關節掣痛或卒中昏塞大小便秘澀或腹痛嘔吐下利惡聞食臭髀腿頑痺緩縱不隨熱悶驚悸心煩氣上臍下冷痺喘滿肩息羸

麻黃

去節

乾葛

細辛

厚朴

薑製

茯苓

防已

枳殼

麥炒去穢

桂心

羌活

防風

柴胡

黃芩

疼

送古醫集
二百軍
為此治法
有不日
及

小草

治

白薑炮

半夏

湯洗

甘草

麥門冬

去心各

劉奉真白朮一味等分

右劉散每服肆大錢水盞半薑參片棗壹箇煎柒分去滓空腹服自汗加牡礪白朮去麻黃腫滿加澤瀉木通熱甚無汗減桂加橘皮前胡升麻腹痛吐利去黃芩加芍藥附子炮大便秘加大黃竹瀝喘滿加杏仁桑白皮紫蘇所加並等分凡有此病詳認證狀逐一加減無不愈者常服下氣消痰散風濕退腫進飲食令人不虛江南諸師固秘此方雖父子兄弟不傳幸者當敬用之

加味敗毒散

治三陽經脚氣流注脚踝上掀熱赤腫寒熱如瘡自汗惡風或無汗惡寒

羌活

獨活

前胡

柴胡

枳殼

麩炒

桔梗

甘草

人參

茯苓

川芎

大黃

蒸

蒼朮

米泔浸

右劉散每服四大錢水盞半薑參片薄荷一頭煎柒分去滓熱服不過貳服愈皮膚瘙癢赤疹加蟬蛻煎

太陰經脚氣證治

病者腹滿夾咽連舌系急曾膈痞滿循胛骨下股膝內前廉內踝過核骨後連足大指之端內側皆痛者乃足太陰脾經為四氣流注之所為也四氣偏勝並如前說治之各隨其氣所中輕重溫散之

六物附子湯

治四氣流注於足太陰經骨節煩疼四肢拘急

自汗短氣小便不利惡風怯寒頭面手足時時浮腫

附子

炮去

桂心

各四

白朮

參兩

甘草

炙貳兩

防已

四兩

茯苓

參兩

右劉散每服肆錢水貳盞薑參片煎柒分去滓溫服

少陰經脚氣證治

病者腰脊痛小指之下連足心循內踝入跟中上腠內出膈中內廉股內皆痛上衝曾咽飢不能食面黑小便淋閉咳唾不已善恐心惕惕若人將捕之狀小腹不仁者難治是少陰腎經為四氣流注之所為也四氣偏腹並如前說治之各隨其氣所中輕重而溫之

八味圓

治少陰腎經脚氣入腹小腹不仁上氣喘急嘔吐自

汗此證最急以腎乘心水尅火死不旋踵

牡丹皮

澤瀉

茯苓

附子

炮去皮

桂心各貳兩

山茱萸

山藥

各四兩

熟地黄

搗兩

右為末煉蜜圓梧子大每服伍拾圓溫酒米湯食前任

下

厥陰經脚氣證

病者腰脇偏疼從足大指連足趺上廉上膈至內廉循股環陰氣抵小腹夾臍諸處脹痛兩脚拳急噎乾嘔逆洞泄者足厥陰肝經為四氣流注之所為也四氣偏勝並如前說治之各隨其氣所中輕重調理之

神應養真丹

治厥陰肝經為四氣進襲肝藏左癱右瘓涎潮

昏塞半身不遂手足頑麻語言蹇澁頭眩目眩牙關緊急氣喘自汗心神恍惚肢躄緩弱上攻頭目下注脚膝榮氣凝滯遍身疼痛兼治婦人產後中風角弓反張墮車落馬打撲傷損瘀血在內

當歸酒浸

天麻

川芎

羌活

白芍藥

熟地黄

各等分一法无羌活入木瓜熟阿膠等分

右為末蜜圓如雞子黃大每服壹圓木瓜兔絲子浸酒下脚痺薏苡仁浸酒下中風溫酒米湯下

料簡三陰并合脚氣

傷寒三陽有并合三陰無并合藏腑不同故也亦自不妨傳
變脚氣則不然以久滯藏氣隨其虛實寒熱而流注故病多
并合不可不知

三陰并合脚氣治法

抱龍圓治肝腎藏虛風濕進襲流注腿膝行步艱難漸成風
濕脚氣足心如火上氣喘急小腹不仁全不進食

赤小豆四兩 五靈脂 白膠香 破故紙炒

狗脊火去毛 木鱉子去殼 海桐皮 葳靈仙

地龍炒 草烏米泔浸三日去皮尖

右各壹兩為末酒糊為丸如梧子大辰砂為衣每服伍
拾圓空心鹽酒任下鹽湯

川膠圓治肝腎虛為風寒濕毒所中流注腿膝歷節疼痛如

錐刀鍛刺不可名狀

大烏頭拾箇端正者搥破以紙袋盛用烏豆煮 牛膝式兩去

右貳味並不得見銅鐵器及火与日木臼擣碎牛膝同

入石磨中磨為末酒糊圓梧子大每服肆拾圓用無灰

酒壹瓶中樣木瓜壹箇切作片入瓶中煨木瓜爛為度

用此酒下不拘時候然肝氣惡鐵忌則有之不見火日

此好事者妄忌且如烏頭牛膝採時豈一向陰乾也

十全丹治脚氣上攻心腎相繫足心隱痛小腹不仁煩渴小

便或秘或利關節痺疼痛神效不可具述

茯苓 石斛酒浸 狗脊火去 菓解

茯苓 牛膝酒浸 地仙子 遠志去心炒

熟地黄各兩 杜仲去皮切

右為末蜜圓梧子大每服五十圓温酒鹽湯任下

楊山言本草
證多言有
子木言味
陰多言和
異

湯

恂

止

乳香宣經圓 治射虛為風濕寒襲四氣相搏半身不遂手足

頑麻骨節煩疼足脛浮腫惡寒發熱漸成脚氣肝腎不足
四肢挛急遍身攻注或閃肋打撲內傷筋骨及風邪內搏
男子疝氣婦人經脈不調常服活血止痛補虛壯筋骨

威靈仙

洗去芦

烏藥

去木

茴香

炒

川練子

剉炒

牽牛子

炒

橘皮

去白

萆薢

防風

各式兩

五苓脂

各半兩

乳香

各半兩

草烏

黑且壹合同煮竹刀切看
透黑為度去皮焙半兩

右為末酒糊丸梧子大每服伍拾圓鹽酒鹽湯任下婦
人醋湯下食前

大犀角圓 治脾腎經脚脛腫痺小腹頑麻上攻頭面通身洪
腫小便不利上氣喘滿悶絕欲死

犀角

鎊

黃芩

旋覆花

白木

桂心

不焙

防已

略炒

橘皮

茯苓

各參兩

前胡

桑白皮

炙四兩

紫蘇莖葉

兩

右為剉散每服肆錢水壹觥半薑伍片棗兩枚煎柒分
去滓食前喘加杏仁

四蒸木瓜圓 治肝腎脾三經氣虛為風寒濕搏着流注經絡
塌日曠歲治療不痊凡遇六化更變七情不寧必至發動
或腫滿或頑痺增寒壯熱嘔吐自汗

威靈仙

同入

黃芪

同入

蒼朮

同入

烏藥

去木與黃
松即同入

右各半兩以大木瓜肆箇切蓋去穢入前件藥仍用蓋
簪定酒洒蒸熟三蒸三曬取藥出焙乾為末研瓜為膏
搜和擣千杵圓如梧子大每服伍拾圓空心温酒鹽湯
任下世傳木瓜圓最多惟此方有效當敬之黃松節糊
神苓中木

逐毒湯 治肝脾腎三經為風濕寒熱毒氣上攻陰陽不和四

肢拘挛上氣喘滿小便秘澁心熱煩悶遍身浮腫脚弱

半夏四兩 黃芪 甘草炙 當歸

人參 厚朴姜汁製 獨活 橘皮各壹兩

熟地黄 芍藥 枳實炒 麻黃去節湯

桂心不焙 貝子計十

右為劉散每服肆錢水壹觥半薑柒片棗二箇煎柒分去滓空心溫服日叁夜壹

脚氣摠治

千金脚氣論在諸風之前良有以也方論雖多識病者少或覺之傷晚或狐疑不決枉死者半信不誣矣凡有此證最宜急治緩則入腹攻五藏雖神丹亦無如之何又久患續生諸病如大小便不利腫滿飲食傷等不妨別別為治所謂先去新病病當在後若摠而治之則亦庶乎其可也

烏藥平氣湯 治脚氣上攻喘滿及五藏偏勝諸氣不和喘咳

奔衝坐卧不安頭暈脚弱上實下虛

烏藥去木 人參 白朮 川芎

當歸 伏神去木 甘草炙 白芷

木瓜乾 五味子 紫蘇子各等分

右為劉散每服肆錢水壹觥半薑伍片棗兩枚煎柒分去滓溫服或作細末湯點下

紫蘇子湯 治脚弱上氣陰陽交錯清濁不分上重下虛中滿

喘急嘔吐自汗無復紀律千金云宋湘王在南州患脚氣困篤服此得效

紫蘇子略炒 半夏湯洗各 前胡去苗 厚朴去皮製

甘草炙 當歸各貳兩 桂心不見火 橘皮各叁兩

右為劉散每服肆錢水貳觥薑柒片棗兩箇煎柒分去

此本三切五物
二寸有指末
厚水過以指
厚水過以指
三末大瓜內

此本三切五物

此本三切五物
三升

滓食後服人謂俞山人降氣湯是也好事者復加附子
黃芪又改其分兩亦班入太醫方用者宜知之

木瓜牛膝圓 治寒濕脚氣冷濕下注脚弱無力或腫急疼痛
兼治婦人血風大固腎氣活血壯筋絡

木瓜

大者參四箇切開蓋去穢先用糯米漿過鹽焙乾為末
却將鹽末入瓜內令滿仍用蓋封定蒸三次爛切作膏

川烏

大者去皮尖用無灰酒煮并
浸薄切酒煮乾研為膏

牛膝

酒浸

草薢

茴香

炒

羌活

青皮

青鹽

別研入

狗脊

煨去毛

巴戟

海桐皮

九件各
壹兩

右為末入青鹽和勻將前貳膏搜為圓如硬再入酒拌
數千下圓梧子大每服伍拾圓食前鹽湯鹽酒任下

茱萸圓

治脚氣入腹腹脹不仁喘悶欲死

吳茱萸

湯洗

木瓜

去穢切
作乾

右等分為末酒糊丸如梧子大每服伍拾圓至百圓酒

飲任下或以木瓜蒸爛研膏為丸尤妙

黑附圓

治乾濕脚氣

附子

捌錢重
去皮脂

黑豆

半斤入菴瓶內慢火
煑以附子爛為度

右熟豆壹合同附子研為餅焙乾為末煉蜜為丸如皂
角子大每服兩圓空心麝香酒嚼下

木通散

治脚氣服補藥太過小便不通淋閉臍下脹急

當歸

梔子仁

赤芍藥

赤茯苓

甘草

生各壹兩

右為散每服參錢水壹盞煎柒分去滓服

白皮小豆散

治脚氣小便澁兩脚腫氣脹

赤小豆

半升

桑白皮

貳兩

紫蘇

壹握

生薑

半兩

右劉散水參升煮豆熟取豆食去滓仍取餘汁飲之

勝駿圓

治元氣不足真氣虛弱及諸虛寒濕氣進襲手足拳

補 變脚指連脚面拘急走注疼痛筋脉不伸行步不隨常服
益真氣壯筋骨黑髮鬚滑皮膚膏一切足弱鶴膝諸風

附子 壹枚炮 去皮臍 當歸 壹宿 天麻 酒浸 牛膝 酒浸

酸棗仁 炒 熟地黄 酒浸 防風 去叉各 式兩 木瓜 四兩

乳香 半兩 別研 麝香 壹分 別研 全蝎 去毒 木香

沒藥 別研 羌活 各壹兩 甘草 炙各壹兩

右件為細末用生地黄黃參斤淨洗研爛如泥入無灰酒肆升煮爛如膏以前藥勻和杵令堅每兩作拾圓每服壹丸細嚼臨睡酒下地黄膏春夏極多遇冬或無地黄只煉蜜為丸如梧子大每服伍拾圓鹽湯溫酒下

加減法

檳榔 去木 草薺 酒浸 白茯苓 酒浸 破故紙 炒
巴戟 去木

右五味各添壹兩內熟地黄當歸各減壹兩尤妙如服此藥五七日或半月日見效甚速行步如飛千里可至乃名勝駿

別本無身

換腿圓

治足三陰經虛為風寒暑濕進襲痺緩弱上攻曾脇肩背下注脚膝疼痛漸成風濕脚氣行步艱難足心如火上氣喘急全不進食衛生方去治一切脚氣

石南葉 天南星 炮 石斛 酒浸 川牛膝 酒浸

羌活 薏苡仁 炒 防風 去叉芦 草薺

黃芪 蜜炙 天麻 當歸 酒浸 川續斷 各兩半

木瓜 四兩 檳榔 貳兩半

右為末酒煮麩糊為圓如梧子大每服伍拾圓空心溫酒鹽湯任下或加三七元乳香溫酒下

三因極一病證方論 卷之三

三因極一病證方論卷之四

叙傷風論

古精瑞南高

古續法書記

經云春傷風夏飧泄此乃四時之序也或表中風在經絡中循經流注以日傳變與傷寒無異但寒泣血無汗惡寒風散氣有汗惡風為不同仲景正以此格量太陽經傷寒傷風用藥不同而纂集者不識門類遂雙編二證使後季混濫卒不知歸甚者以傷風暑濕時氣疫冷凡曰太陽病者皆謂之傷寒晉人不經類皆如此固不足道但名義乖錯惑於後世不可不與之辨今別立傷風一門於四淫之前且依先哲以太陽為始分注六經學者當自知

傷風證治

足太陽膀胱經傷風有汗惡風不惡寒頭項強腰脊痛以其脉從顛入絡腦還出別下項循肩膊內俠脊拄腰中故太陽諸證如是治之宜桂枝湯

桂枝湯

治太陽傷風脉陽浮陰弱榮弱衛強頭痛鼻鳴乾嘔發熱自汗惡風或煩熱汗出則解有如瘡狀脉浮洪虛者

桂枝

去皮

芍藥

甘草

各壹兩半

右以咀每服五錢水壹盞半煎八分去滓食前服温覆

令遍身微汗愈或發汗漏不止惡風小便難四肢拘急

者加熟附子一分或項背強兀兀反汗出惡風者加葛

根一兩三錢或汗出後身疼痛脉沉遲者加芍藥生薑

各半兩人參一兩半或下後脉促胃滿者去芍藥若微

寒乃加附子或下後頭項強痛翁翁發熱無汗心下滿

微痛小便不利者去桂加茯苓白朮各一兩半太陽外

證未除而數下之挾熱利不止心下痞硬表裏不解加

人參一兩或下之微喘者加厚朴六錢三字杏仁十七

冷音

本

凡古

粒因燒針令汗針處被寒核起而赤必發奔豚灸其核
各一壯加桂一兩與服因燒針煩躁者去芍藥減桂一
兩牡蠣龍骨各一兩可代救逆湯
足陽明胃經傷風口燥煩渴自汗嗜卧身重小便難以其脉
俠鼻絡目下膈屬胃絡脾俠臍入氣街故陽明諸證如是治
之宜杏子湯

七十

杏子湯

治陽明傷風能食口苦咽乾腹滿微喘發熱惡風自

汗嗜卧身重小便難潮熱而噦其脉浮弦長而數悉主之

杏仁去皮尖

半夏湯去滑

五味子各二錢半

芍藥

桂心

細辛

乾薑炮

大黃蒸

甘草炙各

茯苓四錢

右咬咀每服四錢水壹盞半煎至柒分去滓食前服

足少陽膽經傷風身熱惡風自汗項強脇滿以其脉起於目

兌皆上抵頭角交出入缺盆下膈中膈絡肝循脇裏出氣街

合髀厭中故少陽諸證如是治之宜柴胡加桂湯

柴胡加桂湯

治少陽傷風四五日身熱惡風頸項強脇下滿

手足温口苦而渴自汗其脉陽浮陰弦或發汗多亡陽譫

語可以此和其榮衛通其津液自愈

柴胡壹兩

參錢

半夏湯去滑四錢

甘草炙各錢

芍藥

黃芩

人參

桂各半兩

右咬咀每服五錢匕水壹盞半薑五片棗壹箇煎七分

去滓食前温

足太陰脾經傷風自汗胃滿腹痛四肢倦怠以其脉入腹絡

胃上膈俠咽連舌本散舌下故太陰諸證如是治之宜桂枝

芍藥湯

桂枝芍藥湯

治太陰傷風自汗咽乾胃腹滿自利不渴四肢

杏子湯
治陽明傷風
自汗方

肢倦怠手足自温其脉弦大而緩者

桂心半兩 白芍藥各兩別本各分

右以咀每服伍錢匕水壹盞半薑參片棗一箇煎柒分去滓温服腹痛甚者加大黃壹兩

足少陰腎經傷風口燥舌乾咽痛曾滿心煩自汗腰連胛骨酸痛以其脉貫脊屬腎上貫肝鬲入肺中循喉嚨俠舌本故少陰諸證如是治之宜桂附湯

桂附湯 治少陰傷風曾滿心煩咽喉痛自汗腰疼連胛骨酸痛嘔吐涎沫頭痛其脉沉弦者

附子生去皮臍 桂心 乾薑炮 芍藥

甘草炙 茯苓 桃仁去皮尖麩炒各壹兩

右以咀每服四錢水貳盞煎柒分去滓食前服或咽喉痛加桂枝

足厥陰肝經傷風自汗惡風而勸小腹急滿以其脉循股入毛中還陰器抵小腹俠胃絡膽布脇與督脉會故厥陰諸證如是治之宜八物湯

八物湯 治厥陰傷風惡風而勸自汗小腹急痛寒熱如瘡骨節煩疼其脉尺寸俱微而遲者

桂心 當歸 川芎 前胡

防風各參分 芍藥壹兩半 甘草炙 茯苓各半兩

右以咀每服肆錢水壹盞半薑五片棗參箇煎八分去滓食前服

叙傷寒論

經云冬傷於寒春為温病以冬不即病其寒毒藏於風府之上至春温煖之氣發而為病故曰温病或愈或死死則六七日間愈則多出旬日之外世號為大病要當隨此經絡傳變

仍以脉證別之乃可施治治傷寒法蓋不於此至晉集仲景論於太陽經出麻黃桂枝二方治傷寒傷風并錄預備救失加減之法甚詳至陽明少陽與三陰經傷風證治則蔑聞矣故知仲景只就太陽一經格量二病令勿差互編集既不詮辨後季情無所知昏翳典墳千有餘載累不加省良可嘆息今輒提其六經傷寒合用對治諸方以為宗兆其如壞證治法除各見本門外編集于後使皂白自分初不敢取諸曾臆蓋有所本於聖經也

傷寒辨正

內經論傷寒惟說足三陰三陽六經傳受愈否日數及各隨其藏府經絡流注去處而證以行汗下并兩感脉應病形而已至張長沙以伊尹湯液作治法兼述傷風暑濕等詳畧不同格量互顛使後季率隅而反至晉不解其義隨行編集遂行於世此後蹈襲者不可勝計所謂百問證治提綱目錄撮要備全活人書傷寒論乃至圖形拍脉皆剽採晉集初無反隅雖有意於廣傳皆未明其義類緣晉集不識偏正以此類預備之方雜於正治而正治之方多所簡脫故使典籍愈翳後季固封不削繁蕪罔知樞要因別論于後云

傷寒證治

足太陽膀胱經傷寒頭項強腰脊痛無汗惡寒其經絡流注去處與傷風同但脉浮洪緊數為異耳惟足太陽寒水為諸陽主氣故寒先傷之

麻黃湯治太陽傷寒脉浮緊而數頭痛身疼發熱惡寒無汗曾瀆而喘者

麻黃

去節湯

桂心

各壹兩

甘草

炙半兩

杏仁

五粒

右以咀每服伍錢水壹觔半煎八分去滓食前服覆取

微汗夏則加知母半兩石膏壹兩黃芩一分或汗出後無大熱而喘者去桂加石膏四兩

小青龙湯 治傷寒表未解心下有水氣乾嘔發熱而欬或渴或利或噎或小便不利小腹滿而喘者

麻黃

去節

細辛

去苗

乾薑

炮

甘草

炙

桂心

芍藥

各參兩

半夏

湯去滑

五味子

各兩

右咳吐每服五錢水貳錢煎八分去滓食前溫服噎者

去麻黃加熟附子一錢若小便不利小腹滿者加茯苓

一錢喘者加杏仁七枚去皮尖

溫粉 凡發汗不欲多多則亡陽宜用此粉撲之即愈效如神

白朮

藁本

川芎

白芷

右為末每末一兩入米粉參兩和勻撲之

大青龍湯 治太陽中風傷寒脈緊發熱惡寒身疼不汗出而

煩渴或脈浮緩身不疼但重下有輕時或傷寒見風脈傷

風見寒脈

麻黃

去節

桂心

甘草

炙各壹兩

杏仁

去皮尖

石膏

壹兩

右為劉散每服五錢匕水壹觔半薑五片棗壹箇煎七分去滓食前服

分去滓食前服

足陽明胃經傷寒身熱目痛而鼻乾不得卧不惡寒腹滿咽

乾口燥而渴其脈流注與傷風同以陽明主肉故次傳之

大承氣湯 治陽明傷寒脈長身熱不惡寒目疼鼻乾不得卧

腹滿咽乾渴大便硬譫語或汗後脈沉實或下利心下堅

或已經下其脈按之浮沉尚有力者

大黃

酒洗

芒消

壹分

厚朴

壹兩

枳實

壹分

右為籠末每服五錢水貳盞煎八分去滓入消再煎服

列本小腹急元
結字

若脉遲而滑汗出身重時發潮熱并得病二三日無太
陽證煩躁心下硬下利後譫語者去芒消名小承氣或
發汗不解蒸蒸發熱温温欲吐胃中痛大便反溏及吐
利後腹脹厥煩譫語去厚朴枳實入甘草半兩芒消一
分煎名調胃承氣或結熱膀胱如狂狀下血小腹急結
者去厚朴枳實加桃仁拾貳箇桂甘草各半兩消壹分
名桃核承氣

大柴胡湯治證狀大畧與大承氣湯同輕則柴胡重則承氣

柴胡 四兩

黃芩

赤芍藥

各壹兩

半夏

湯去滑
兩壹分

枳實

剉炒
壹分

列本有大黃

壹兩

右為籠末每服參大錢水壹觔半薑五片棗壹枚煎八
分去滓食後温服若內熱裏實身躄疼痛是表證未解
不可服

足少陽膽經傷寒曾脇痛耳聾口苦咽乾往來寒熱目眩乾
嘔其脉流注與傷風同以少陽主膽屬半表半裏故三傳之

小柴胡湯治少陽傷寒脉弦或沉緊往來寒熱曾脇苦滿默

默不欲食心煩喜嘔或渴腹痛或脇下痞鞭或心悸小便

不利或咳有微熱亦有不渴不嘔者又治婦人傷風傷寒

經水適斷發熱惡寒晝日明了暮則譫語此為熱入血室

其血必結故使如瘧狀得七分熱除脉遲身涼曾滿譫語

如結曾狀前刺期門隨其實而取之投此湯即愈又太陽

病不解轉入少陽并陽明傷寒脉反弦浮身目悉黃小便

難潮熱時噦

柴胡 貳兩

半夏 湯去滑六錢一字

黃芩

人參

甘草 炙各參分

右為剉散每服伍錢水壹觔半生薑伍片棗一枚煎七

經水

分去滓食前服若腹痛去黃芩加芍藥三分心下悸小便不利加茯苓一兩若不渴則有微熱去人參加桂三分若咳嗽去棗加五味子三分乾薑半兩曾中煩不嘔者去半夏加栝蒌實一枚四分之一若渴去半夏加栝蒌根一兩曾中痞鞭去棗加牡蠣一兩若過經不解日脯發熱已而微利加芒消一兩

足太陰脾經傷寒手足溫自利不渴腹滿時痛咽乾其脉流注與傷風同治之各有正方

治中湯 治太陰傷寒手足溫自利不渴腹滿時痛咽乾其脉尺寸俱沉細

人參 乾薑炮 白朮 甘草炙
陳皮 青皮各等分

右剉散每服四錢水壹盞半煎七分去滓食前服

五積散 治太陰傷寒脾胃不和及有積聚腹痛

蒼朮湯浸一宿 桔梗拾兩 陳皮六兩 白芷
甘草炙 當歸二兩 川芎壹兩半 芍藥

白茯苓 半夏湯去滑 麻黃去節春夏二
乾薑春夏兩半 枳殼湯浸去穢 厚朴姜製炒 桂心春夏二兩

右先將前十二味秋各二兩 枳殼秋各二兩 厚朴二兩 桂心秋各四兩 枳殼桂朴三味同為細末每服三錢水一觔薑三片棗二枚煎七分食前溫服傷寒手足逆冷自汗不止脉沉細面青嘔逆加順元散一錢同煎熱服產婦陣踈難產經三兩日不生胎死腹中或產母氣乏委頓產道乾澀加順元散水七分酒三分煎相繼兩服氣血內和即產胎死者不過三服當下其順元散多少量產母虛實加減傷寒發熱俠內寒者加葱白二寸豉七粒同煎相繼

服當以汗解

順元散

烏頭

炮去皮尖二兩

附子

炮去皮臍一兩

右為末同煎法前此藥治內外感寒脉沉伏遲細手足

冷毛髮恂慄傷寒陰證大啜一二盃氣和汗出即愈

足少陰腎經傷寒口燥舌乾而渴背惡寒反發熱倦怠其脉

流注與傷風同

附子細辛湯

治少陰傷寒口中和而背惡寒反發熱倦怠自

汗而渴其脉尺寸俱沉而緊者

麻黃

去節

細辛

附子

炮去皮臍各半兩

右雁末每服四錢水壹觥半煎七分去滓食前服手足

厥者云麻黃細辛加乾薑半兩甘草一分或口燥舌乾

而渴宜急下之宜大承氣湯

足厥陰肝經傷寒煩滿發熱惡寒往來如瘧或囊縮小腹急

痛其脉流注與傷風同

本論用小建中湯方見九痛門去遠志即是

麻黃桂枝各半湯

治厥陰傷寒煩滿發熱惡寒往來如瘧或

囊縮其脉尺寸俱微緩者主之若脉沉短其囊必縮急以

大承氣下之可保五死一生承氣湯乃利陽明藥耳若病

到厥陰其勢已甚蓋陽明養宗筋為熱毒所攻乃以承氣

湯瀉其能養故利陽以救陰此猶假虞伐虢圍魏救趙之

意也

桂心

四錢

芍藥

麻黃

去節

甘草

炙各半兩

右雁末每服五錢水一觥半煎八分去滓食前服入薑

棗煎亦得

大承氣湯

方見足陽明經

聖藥兩篇

列書桂枝湯分一字字同

傷寒傳變次序

內經熱論論傷寒云太陽為諸陽主氣傷寒必先自太陽始至漢諸師凡外所因皆曰太陽病未為了義足太陽寒水其位居辰辰為六氣化原故丙辛道起戊子至辰為壬辰水而太陽正化居焉在天為寒在地為水寒喜歸水故寒必首傷太陽以此例推寒既自太陽入風當自少陽入濕當自陽明入經曰陰為之主陽與之正別於陽者知病從來別於陰者知死生之期此之謂也或問傳變次序當如何邪然陰陽流行出入次序固有定說及其中病或喜入或成虛或成兩感或守一經其可拘也但當以脈證分別陰陽表裏盛衰為治尤不可以日數期也

料簡

論曰有汗不得服麻黃無汗不得服桂枝切忌不得悞若寒證見風脈風證見寒脈却以麻黃桂枝各半湯古人治傷風熱多寒少惡風脈浮緊無汗用青龍湯蓋先傷風而後傷寒風證尚在而寒脈已行故有是備也若先傷寒而後傷風寒多熱少不煩躁微厥脈當浮緩弱而自汗即傷寒見風脈但青龍緊暴不若各半湯平和無悔吝也諸經皆倣此

六經傷寒用藥格法

夫傷寒始自太陽逆傳陽明至于厥陰而止六經既別治法不同太陽屬膀胱非發汗則不愈必用麻黃者以麻黃生于中牟雪積五尺有麻黃剋雪則不聚蓋此藥能通內陽氣却外寒也陽明屬胃非通泄則不愈必用大黃芒消以利之少陽屬膽無出入道柴胡與半夏能利能汗佐以子芩非此不解太陰屬脾中州土也性惡寒濕非乾姜白朮不能溫燥少

却本本傳散

非別本生銀

陰屬腎性畏寒燥非附子則不能溫厥陰屬肝藏血養筋非
 溫平之藥不能潤養此經常之道也後學不知倫類妄意進
 餌遂致錯亂諸證蜂起天傷人命可不究辨且三陽病汗下
 和解人心知之至太陰脾經溫燥不行亦當溫利自陽明出
 如溫脾圓用大黃者是也少陰腎經雖用附子復使麻黃則
 知少陰亦自太陽出厥陰用桂自少陽出明矣及其二陽鬱
 閉皆當自陽明出故三陰皆有下證如少陰口燥咽乾下利
 清水太陰腹滿時痛厥陰舌卷囊縮皆當下之學者宜審詳
 不可率易投也

溫脾圓

治久病虛羸脾氣弱食不消喜噫

黃蘗

大麥蘗炒

吳茱萸

桂心

乾薑炮

細辛

附子炮去皮

當歸

大黃蒸

神麩炒

黃連各壹兩

右為末蜜和圓如梧子大每服三十九空腹酒飲任下

三陽合病脈證治

三陽有合病三陰無合病所謂三陽合者有太陽陽明有少
 陽陽明自太陽傳至陽明頭疼腰痛者太陽也肌熱目痛鼻
 乾者陽明也尚惡寒脈必浮大而長浮者太陽脈也長者陽
 明脈也當隨證調本太陽證因發汗多則譫語屬陽明故有
 太陽陽明也少陽證未罷猶當和解不可便作陽明下之

葛根湯

治太陽病項背強兀兀然無汗惡寒并治三陽合病

自利方

葛根壹兩

麻黃去節

桂心半兩

甘草炙

芍藥各半兩

右剉散每服五錢匕水壹觔半薑五片棗一枚煎七分
 去滓食前溫服三陽合病不下利但嘔者加半夏六錢

兩感證論并治法

兩感傷寒者表裏俱病也一日大陽與少陰俱病頭痛口乾咽滿而渴二日陽明與太陰俱病腹滿身熱不食譫語三日少陽與厥陰俱病耳聾囊縮而厥兩病俱作治有先後先宜救裏藏氣內正急宜攻表救內固宜急而表亦不可緩也救裏解表各隨諸證而善用之自非精妙甄別其孰能與於此也

四逆湯治少陰傷寒自利不渴嘔噦不止或吐利俱發小便不利或汗出過多脉微欲絕腹痛脹滿手足冷及一切虛寒厥冷凡病傷寒有此證候皆由陽氣虛有寒雖更覺頭痛躄痠發熱惡寒四肢拘急表裏悉具者未可攻表宜先服此藥以助陽救裏

甘草

炙壹分

乾薑

貳錢炮

附子

炮去皮臍半兩

右剉散每服五錢匕水壹盞半煎七分去滓食前服強

人加乾薑一錢或惡寒脉微而利利止仍亡血者加入參半兩或發汗若下之病仍不能解煩躁者仍加茯苓半兩面赤者加連翹葱九莖腹中痛者去葱加芍藥一兩嘔者加生薑一兩咽痛者去芍藥加桔梗半兩

兩感治法料簡

桂枝麻黃皆攻太陽經表藥方各見太陽經其如陽明太陰少陽厥陰並可於風寒二方論中隨證施治

陰毒證治

陰毒為病手足冷腰背強頭疼腹痛或煩渴精神恍惚額與手背時出冷汗音聲鄭重爪甲面色青黑多因脾腎虛寒伏陰重感於寒所致

附子散

治陰毒傷寒唇青面黑身重強四肢冷或因服冷藥過度心腹脹滿昏沉不識人

附子炮去皮桂心半兩當歸各半兩白朮各半兩

半夏湯洗去滑乾薑各一分炮

右為末每服參錢水貳盞生薑參片煎六分不以時熱服衣覆取汗

返陰丹治陰毒傷寒心神煩躁頭痛四肢逆冷面青腹脹脉沉伏者

硫黃通明五兩別研消石別研太陰玄精各二兩別研

乾薑炮桂心半兩附子炮各半兩

右用鐵銚先鋪玄精次下消末各一半中間鋪硫黃末又將二石餘末蓋上以小盞合着熟炭火三斤燒令得所勿令煙出急取瓦盆合着地上四面灰蓋勿令煙出候冷取出研細入後藥為末同研勻米糊圓如梧子大每服二三十丸煎艾湯下頓服汗出為度未退乃大著

艾炷灸臍下丹田氣海更不退則以葱嚼熨之

葱熨法治氣虛陽脫躄冷无脉氣息欲絕不省人事及傷寒陰厥百藥不效者

葱一束以索纏如餅餡大去根葉唯存白長二寸許先以火煨一面令通熱勿至灼人乃以熱處着病人臍下上以熨斗盛火熨之令葱餅熱氣透入腹中更作三四餅遇一餅壞不可熨即易一餅候病人醒手足温有汗乃差更服四逆湯良

陽毒證治

陽毒為病躁熱面赤咽痛身斑色如錦紋下利赤黃内外結熱舌焦鼻黑類如煙煤妄言狂走多因腸胃燥熱陽氣獨盛陰氣暴絕妄服燥藥熱食所致

升麻湯治陽毒傷寒一二日便成陽毒或服藥吐下後變成

陽毒腰背痛煩悶不安面赤狂言或走或見鬼或下利面赤班班如錦紋咽喉痛下膿血脈大浮數五日可治七日不可治

升麻 半兩 犀角屑 射干 黃芩

人參 甘草 炙各一分

右為劑散每服五錢匕水一盞煎七分去滓熱服併進三四服溫覆汗出為度

九

梔子仁湯 治陽毒傷寒壯熱百節疼痛

梔子仁 炒 赤芍藥 大青 知母 各壹兩

升麻 黃芩 石膏 杏仁 去皮尖

柴胡 一兩半 甘草 炙半兩

右劉散每服四大錢水壹盞薑參片豉二十粒同煎七分去滓不以時服

結胃證治

結胃證者心下堅滿按之石鞭而痛心膈高起手不得近項強如柔瘕狀此本傷寒身執醫下之早熱氣乘虛而入痞結不散之所致也若脈浮大皆不可下下之則死尚宜發汗若沉緊者宜以大小陷胃湯量輕重而下之又結胃有不按而痛者有按而痛者有水結在胃脇間但頭汗出者有執實結者有寒實結者治之不可不知其輕重也各有正方

五

大陷胃湯 治傷寒表未解醫反下之膈內拒痛手不可近短

氣煩躁心中懊懷心下鞭大便不通舌燥而渴熱實脈沉而緊又治身无大熱有水結在胃脇間者

大黃 半兩 芒消 四錢 甘遂 半錢

右各為末水參盞先煮大黃至一大盞入消葶露下甘遂末煮一沸分二服得利止

慎

小留胃湯 治結胃病正在心按之則痛脈浮滑者

黃連一分 半夏湯洗去黏 栝樓實不用四分

右為剉散水二觔先煎栝樓至盡半入前藥煎至六分去滓分二服利黃涎沫即安

大留胃湯 治病發於陽而反下之熱入因作結胃以下之太

早故也其病項強如柔痙狀下之則和

大黃二兩 葶藶炒 杏仁去皮尖炒 芒消各三分

右前二味為末將杏仁芒消合研為脂和藥取如彈子大一枚別杵甘遂末一錢匕白蜜一大匕水二觔煎至七分頓服之一宿乃下如不下更服取下為效甘遂性猛宜斟酌虛實入之

留痞證治

留痞證者胃中不和心下堅硬乾嘔惡寒汗出噫氣不除亦

有因傷寒身冷醫反下之遂成骨痞

枳實理中圓 治傷寒及諸吐利後留痞欲絕膈高起急痛手

不得近

枳實去穢炒 茯苓 人參 白朮

乾薑炮 甘草炙各等分

右為末蜜和一兩作四圓熱湯化下渴加栝樓根下利加牡蠣粉各等分

桔梗枳殼湯 治中寒氣痞留瀟欲死

桔梗 枳殼各壹分

右為剉散每服五錢匕水壹盞半煎七分去滓食前服

三黃湯 治傷寒陰證下之太早致心下痞按之輒其脉關上

浮者主之若表未解未可攻宜先隨風寒二證投桂枝麻黃湯表解已即服此方

前製本下字

別本元字

胃

六

六

大黃蒸

黃連

黃芩

右為劉散每服五錢沸湯二盞熱漬之一時久去滓分二服暖服或汗出惡寒加附子別煎汁入一合同服

半夏瀉心湯

治心下痞滿而不痛者

半夏

湯洗七次

黃芩

人參

甘草炙

乾薑

炮各半

黃連

半兩

右劉散每服五錢水盞半薑五片棗一箇煎七分去滓溫服或傷寒中風醫反下之下利日數十行穀不化腹中鳴心下痞硬乾嘔心煩者加甘草半兩人參一兩名甘草瀉心湯或汗出解後胃中不和心下痞硬乾噎食臭腸下水鳴下利者加生薑壹兩減乾薑一兩餘如正方名生薑瀉心湯

勞復證治

傷寒新差後不能將攝因憂愁思慮勞神而復或梳沐洗浴作勞而復並謂之勞復或飲食不節謂之食服此皆大病後精神血氣腸胃並虛之所致也論有正方可依證調治唯犯房室為女勞復多死不治

白朮散

治傷寒氣脈不和憎寒壯熱鼻塞腦悶涕唾稠粘痰

嗽壅滯或冒涉風濕憎寒發熱骨節煩痛或中暑嘔吐眩暈及大病後將理失宜食復勞復病證如初悉主之又治五勞七傷氣虛頭眩精神恍惚睡卧不寧肢身倦怠潮熱盜汗脾胃虛損面色痿黃飲食不美口吐酸水臧府滑泄腹內虛鳴反胃吐逆心腹絞痛久瘥久利及膈氣咽塞上氣喘促坐卧不安或飲食所傷胃膈痞悶腹脇脹婦人產前產後血氣不和霍亂吐瀉氣厥不省人事常服辟四時不正之氣及山嵐瘴疫神效不可具述

瀉心湯

復

聖藥傳

和劑增有
見諸白注
方亦少力不

白芷

甘草炒

青皮

陳皮

白茯苓

桔梗

山藥

香附去毛各

乾薑半兩

白朮一兩

右為末每服二錢匕水一盞薑棗片棗一箇木瓜乾一
片紫蘇兩三葉煎七分食前服若吐瀉入白梅煎喘入
桑白皮杏仁煎傷寒勞復入薄荷膈氣入木通三寸麝
香少許中暑嘔逆入香薷產前產後血氣不和入荆芥
煎霍亂入藿香煎氣厥入薑湯調下

陰陽易證治

陰陽易者其男子病新差未平復而婦人與之交接得病名
曰陽易裏急腰蹠連腹內痛婦人病新差未平復而男子與
之交接得病名曰陰易身重少氣陰腫入裏腹內絞痛熱上
衝曾頭痛不欲卒眼中生花蓋男女病相換易故謂之陰陽

易治之各有法

辨混散

治傷寒陰易其人身軀重少氣小腹裏急或引陰中
拘挛熱上衝曾頭重不欲卒眼中生花膝脛拘急悉主之
婦人裙襠燒灰

右細研以方寸匕水調服小便利陰頭痛即愈

假鼠糞湯

治丈夫傷寒病後女人与之交接病名陽易

韭根去青壹握

約徑寸半

假鼠糞十四枚兩

頭尖者是

右二味水壹觔煎至半盞去滓温温頓服粘汗出為效
未知再作

發班證治

傷寒發班者蓋不當下而下之熱則乘虛入胃當下而失下
則胃熱不得泄二者皆能發班其狀如錦紋赤者易治黑者
難治熱毒入胃深也宜宜冬冬升麻湯

玄參升麻湯 治傷寒失下不當下而下之熱毒在胃發斑如錦紋甚則煩躁譫語兼治喉閉腫痛

玄參

升麻

甘草

炙各半兩

右為對散每服五錢匕水盞半煎七分去滓溫服溫毒亦能發斑

三因極一病證方論卷之四



勻

